



MALIČKOSTNY JE

čo. 27

- a) mańoróstny
- b) pedantiski
- c) diminutiw słowa lubowacy

Prawa je wotmołwa **b**.

Maličkostny je čłowjek, kotryž wšitko dokładnje pruwuje a wšudže něšto namaka, štož móže hišće kritizować. Je napřećiwk wulkomyslneho čłowjeka. Maličkostny čłowjek dokładnje swoju wokolinu a ludži wokoło sebje wobkedźbuje, kak so zadžerža a kak rěča, a pokazuje na jich zmylki. To njeje runje woblubowana kajkosć, tola za ludži, kotřiž financy rjaduja abo politiske prawidła wuwiwaja, je bytostna.

Takle móžeš tež prajić:

- čolo/nós na kóždy próšk moršćić (so na kóždu maličkosć hóršić)
- nós na kóždy próšk chrěnić (so na kóždu maličkosć hóršić)
- někoho na słowach łójić (maličkostnje na něčeje słowa džiwać)
- so wo wowči rympl wadzić (so wo maličkosćach wadzić, maličkostny być)

Přikłady z rěčneho korpusa:

Kathrin Kagelmann (Lěwica) porno tomu měnješe, zo ma wokrjes europsku zamołwitosć a zo njesměł tajki *maličkostny* wid měć. (Serbske Nowiny 2007)
To pokazowaše njesměrnu *maličkostnu* skuposć tohole Zambuka hladajo na žiwjenske potrěbnosće. (Jules Verne, Předžiwne dyrdomdeje knjeza Antifera. Budyšin 1979)

Njeje trjeba, so do *maličkostneje* diskusije podać, što by wolić směł. (Serbske Nowiny 2008)